

TANEBAJI NE
MEYONG LIR



TANEBAJI NE MEYONG LIR

Nisungi ajak ka-a liaka , oda takaba rongsen , kaket shisatsü,tajung,taküm jenjang tulu amai ano aieka, pa anisüngzük, taküm nung tepela, tesünep aser anema aliba

item yagi kanga anünga lir.
Tepela aser tesünep angutsü
asoshi pai aisülen nungi kanga
meranger. Tatishitsü agi pai sen
jenti indoka temenen pelabatem
mapa nung

atener, saka kecha tajangzük mangur. Pai item
yagi pa Tanel aser taküm nung animesüngzük aser
shirangshiko aser temang nung tasüba dang bener
arutsür ta

meteter aser mekemdanger

Kodang Tsüngremi nisung poktetaktsü, pai paji pei
mesükba nung tang yanglu masü, saka tepela, tesenüp,
anisüngzük, anema aliba, temang ka aser teti taküm
dener



poktetaktsü. Saka kodang
nisungi Tsüngrem ozüng raksa,
aser temenen mena, pai pa,
temoatsütem dang sama masü,
saka paji Tanel a nung tasüba,
tetsübu aser timtem lar

akem, aser pa temang nung tashi mait aser maneptetba tashitak lar akem. Tanebtsü asoshi mozü amshiba yimya balala amshiaka aser mojing ain ajanga


inyaktakjaka kechaia nisung nem tabensa tanebba agütstiba mali. Ano mozü karibo külentsütsü timtemang (side effects) agütsür aser tanga tashitak atoktaktsüba

angur. Tanü asüng puyangertemi (Scientist) mozü tasen aieka yanglutetaka, shirangshikoba tasen atoker aser mozüshiteterema item yagi tejazükba tulu agütsür

(great challenge). Item lia kübok nenok oda iba putu 21 buba nung nenok tashitak anebtsütsü asoshi mozü shiteter karbo lir asü mali ta süngmanga timtem tulu nung

alitsüa akok.

Tembartem, onoki nenok dang mozü shiteter ka metetaktsüdi. Nenoki tamang



agi pa dangi arura pai nenok peritsütsü. Paji meimchir asoshi mozüshiteter aser teyarir



tajungtiba lir. Pa, shiba tenüng Yisu lir pai ashir, ”Nenok anebtaktsüba Kibubaji ni lir” (Anitet 15:26)… Pa zübudem agi asenok aneba lir ”pai asen mokokmeintem

aser asenok tashitaktem benogo (Isa 53:5;Mat 8: 17). Pai asenok dang ja-a ashir ”nenok tebelemer aser khuretta abenertem ajak kü dangi arung aser ni


nenok temenen, shirangshiko, atakatem aser tasübaa kokogo aser pa teti lijen alitsü. Aser shirnoki pa dak amanger pai kesa takokbaji agütsütsü nangzüker.

Nai temolung meyipa Kibuba dang temenen nangzükra, aser ne kümtettakba ta pa agizükra, pai ne temenentem atoktsüba aser ne taküm nung anisüngzük tang

agütsütsüba masü, saka ne temang nung tashitaka bener aotsü aser ne nem tanebtsü ajonga agatsütsü. ” Shibai ne temenentem ajak atoker aser ne shirangshiko ajak




anetsür, pa shiba
ne takem kangla nungi
alangzüker (T.ken 103:34)
. ” Pai pa o yoker aser
parnok anebtsü, pai parnok
leper nungi kümzükogo”
(T.ken 107:20).



Tsüngrem o agi ashir” pai pasasa süngdong nung
asenok temenentem pa temang nung apen, pa zübutem
agi nenok aneba lir (1. Pet 2:24).

Shirangertem ngua Yisui aria bilem. Pai zütsüra
akettettem nisung ter anebtsüa liasu. Tetsür ka azü yima
aliba pa dak nungi ain ao
aser anebtsüa liasu.



Shirangertem ajak
shibasa Yisu dangi ao ajak
anebtsüogo. Pai tasüa taküm
daki shia arudaktsü. Yisuji
maneptsütetsüsa pa tekaji

tatsü masü.

Mozü puyangba (Medical science) aser temang
sensa ayariba (surgery) agi nisung ka temangji anebtsüa
kar. Saka asen Kotaker mozü shiteter Yisui Temeshi
temang tang

anebtsüteter masfi, saka temolung taküm,
Tanelas aser meimchir nungtaktem ajak anebtsüteter



masü, saka temolung taküm, Tanel aser meimchir
nünktaktem ajak

anebtsütete aser agütsüteter.

Anungji nai tang
anebnürabangla, ne tashitakji kechi
koma ka südir süang aser mozü
shitertemi na teyaritsü teimla
makai toktsüra lianger, nai Kibuba
Yisu kotaker

mozü shitetsang teka nung
temang ajonga bendanga agüjang
aser yamai sarasademang.



“Kibuba Yisu,

nai Kalvary kangki nung kü menentem asoshi
tang as ü masü, saka kü shirangba aneptsü asoshia
süogo. Kü tang aochia kü temenentem ajak
tokangma, kü shirangba tia nungi anitetangma
aser kü nem tabensa tanebtsü agüjangma. Ni ne
chir ka ama taküm merüka aser meshiteta liner.
Amen“

